



The Holy See

IOANNES PAULUS PP. II LITTERAE APOSTOLICAE **INTER TEMPORA** PAROECIALIS ECCLESIA SANCTI MARTINI,
IN OPPIDO AMBERGA

DIOECESIS RATISBONENSIS POSITA, BASILICA MINORIS TITULO EXORNATUR Ad perpetuam rei memoriam. –
Inter tempora dioecesis Ratisbonensis singularem constat obtinere locum paroeciale ecclesiam Sancti Martini in oppido
Amberga exstantem. Ea enim, praeclaro architecturae genere et ornamentis decora, tum ob sacra quae istuc fiunt
sollemnia, cum plurimorum ministrantium atque cantorum concursu, tum ob egregiam, qua Ambergenses Deum ac
gloriosam Virginem Mariam colunt, pietatem, christiana vitae istius catholicae communitatis quasi quoddam centrum
habetur. Qua re, cum Venerabilis Frater Rudolfus Gruber, Episcopus Ratisbonensis, preces et vota cleri et populi
expromens, ab hac Apostolica Sede petivisset ut ecclesia, quam diximus, ad gradum et dignitatem Basilicae Minoris
eveheretur, istius Praesulis expostulationi Nobis concedere est visum potissimum ratis hoc Nostrae benevolentiae
documentum et eidem ecclesiae decori et praedicti oppidi Christifidelium spirituali esse profuturum saluti. Iis igitur probatis
quae Sacra Congregatio pro Sacramentis et Cultu Divino hoc de negotio statuit, factis olim a Nobis potestatibus,
ecclesiam paroeciale Sancto Martino in oppido Amberga dicatam, ad gradum et dignitatem Basilicae Minoris tollimus,
instis cum iuribus atque liturgicis concessionibus, servatis tamen iis quae decretam «De titulo Basilicae Minoris», die
sexti mensis Iunii, anno MCMLXVIII datum, iubet. Ceterum volumus ut hae Litterae Nostrae sive nunc sive in posterum
vim suam habeant ac suos effectus iugiter obtineant. Contrariis nihil obstantibus. *Datum Romae, apud Sanctum Petrum,*
sub anulo Piscatoris, die decimo sexto mensis Iulii, anno MCMLXXX, Pontificatus Nostri secundo. AUGUSTINUS Card.
CASAROLI, *a publicis Ecclesiae negotiis* © Copyright 1980 - Libreria Editrice Vaticana